

*Majorū virtus.*

*Urbes & Opida.*

*Lacus.*

*Silva.*

*Nobiles.*

cipū Rugianorum exstincta est: Ducatusque Rugiæ Pomeraniæ Principibus cēssit; idque ex quodam inter Principes Pomeraniæ & Rugiæ pacto, quo convenerat, ut alterutrius Ducatus Principis stirpe mascula deficiente, Ducatus suo jam Principe orbatus, alterius Ducatus Principi cederet. Cæterum hujus Insulæ Principes olim potentissimi, non solum multas extra hanc Insulā Vrbes & Regiones occuparunt, Bardum, Grimmam, Tribbe-ream: verum etiam cum Rege Daniæ, & vicinis Pomeraniæ Principibus continua fere gerebant bella, ac Lubecēses armis laceffere non verebantur: ideoq; omnibus Vicinis propter potentiā & ferocitatem erant formidolosi. Insula autem hæc cum olim munitissimas & populosissimas Vrbes Arcesque habuerit, jam nullas habet, sed tantum frequentiora quædam Opida, inter quæ *Berga* præcipuum, ubi tamen vix amplius 400 Cives reperiuntur. Reliqua ut sunt *Sagart*, *Vick*, *Bingst*, & plura alia minora sunt. Alioquin Insula hæc Incolis satis plena est, adeo ut amplius 7000 armatorum ad bellum possit educere. In Peninsula Iasmunda non procul a vallo quod etiamnum *Den Borchwal* indigitant Niger Lacus est profundus, qui licet Piscibus abundet, suspicio tamen vel potius superstitio est, quod retia aut scaphas piscatorias non ferat aut admittat: cui cum animosiores quidam piscatores scapham pridie intulissent, postero die retibus Lacum tēntaturi scapham non invenerunt. Quod cū attoniti admirarentur & undique circumspicerent, mox unus illorum eam vicinæ Fago altissimæ impositam animadvertit: cumque is lingua vernacula exclamasset, Quis omnium Diabolorum naviculam istam arbori imposuit? è proquinquo vocem ad se perlatam, nemine tamen conspecto, audivit: Non hoc omnes Diaboli fecerunt, sed ego solus & frater meus *Nichell*. Lignorum Navibus ac Domibus fabricandis hic penuria, sed alendo igni in foco & fornace, quantum satis est, idq; toti propemodum Insulæ sufficiunt, cum multa alia loca, tum inprimis Insula *Iasmund*, in qua Silva densissima quam Indigenæ *de Strubbenitza* appellāt, quasi dicas truncarum Arborum ac Lignorum congeriem. Nobilium in hac Insula antiquitate generis præstantium magnus numerus, quorum hic domi lautior, illic contraciior res est. Alii Armorum, alii Literarum gloria excellere student: & plerique jam se ad extera loca, ad Regum ac Principū aulas, ad academias & expeditiones bellicas conferunt: & cum in Regnis vicinis ac Provinciis, tum in Patria sua, in bello, in pace, in otio & negotio ad summa rerū guber-